


Chapang ho Bible Tahlahna



Vaan-gam,
Pathien
cheenna
Inn-nuom




Asundoh-a pang: Edward Hughes
Muthei'a hilchetna bawl-apang:
Lazarus; Alastair Paterson
Aguongtuoh-a pang: Sarah S.
Athu-ledoh-a pang: Dr. Seikholun Singnit
Apodoh-a: Bible for Children
www.M1914.org

BFC
PO Box 3
Winnipeg, MB R3C 2G1
Canada


©2021 Bible for Children, Inc.

Phalna: Nangma'n hiche thusim hi sumkawveina ding ahilou pou
leh nalah doh theina le tadohtheina phal ahi.

Jesu leisiet-a aheen lai in aseijuite vaan-gam
thudawl aseipieh in ahi. Ama'n vaan-gam hi "KaPa
Inn" ati. chule Ama'n vaan-gam'a inn tamtah a-um'e
ati. HIche inn hi lientah le
hoitah ahi. Vaan-gam hi
lei-inn jouse sang'a
lienjo le hoijo ahi.




Jesu'n "Keima nangho mun siem'a chie ding kahi. Chule nangho mun siema Kachiele, Kahung kid ding chule Keima'n nangho Kasaan ding nahiue" ati.



3


Jesu athodoh nung in vaan'a achie tahbeh in ahi. Aseijui ho'n Ama avet-vet ped un, Jesu lahtou in a-um in chule amaho mitmu-a kuon chun meilhang khat in atawlmang tai.



4

Chua kipat Khristian ho puy-a Jesu hungkid ding A-thutep chu ama ho'n ageldoh zing un ahi. Jesu'n miho kiginlou ped tah-a phulou-a ahungkid ding ase in ahi. Achutile Ama hung masang'a thy ho iti diu hitam?


Bible in, amaho chu Jesu kawm lhungpai ding ahi ati. Tahsa to kikhen hi Pakay to umkhawmna ahi.



PAKAY TO UMKHAWM


5

Vaan-gam nopje hi Bible lekhabu kichaina, Thuphuon bu-a chun akimu-e. Thil kidang pen chu, Vaan-gam hi tepi bei, Pathien Inn ahi hi ahi. Muntin'a Pathien a-um in, hizongle Ama laltouna vang Vaan-gam bou-a um ahi.




6

Vantyl hole vanmi te'n Vaan'a um Pathien ahou-un ahi. Chutima chun athysa le achie masa Pathien mite'n abawl uve. Amaho'n Pathien vahchoi-la atumbek asauvin ahi.




7

Hiche amaho la-sah thucheng phabep chu: NANGMA VAHCHOI DING'A LAWMTAH NAHI AJEH CHU NANGMAN KEIHO PATHIEN DING'A NATHISAN'A CHITIN PHUNGTIN'A KUON NALHATDOH KAHIUVE CHULE KEI HO PATHIEN NANGMA DING'A LENG HOLE THIEMPU HO IN NEISIEM TAUVE. (Thuphuon 5:9)




8

Bible-a Vaan-gam hi "Jerusalem Thah" ti in phengmai kichainapen'a chun aseichien'e. Vaan-gam chu lientahbeh ahi chule apolam baang hi sangtah ahi. Abaang hi Jasper suong-mantam, valset ahi. Abaang hi suong-mantam rong chuom chuom val lah lah-a kijem chung'a kisa ahi. Khuopi-kot ho chu tuikoh-chang lientah khatchieh-a kisiem ahi!




9

Hiche tuikoh-chang kotpi thupi ho kikhah kha lou ahi. Eiho lud-uhitin vele'u hite ... HE KATE! Vaan-gam hi asung lam gamcheng in ahoijoi. Khuopi hi sana thiengseh-a kisiem, haai (glass) chymset tobang ahi. Lampi ho zong sana jeng ahi.




10

Pathien laltouna-a kuon hinna-vadung chymset le hoitah khat aluongdoh in ahi. Vapang gel'a chu hinna thing, Eden huon'a keh chu akeh-e. Hiche thing hi thing chuombek ahi. Thingphung'a hin ga jat chuom chuom sawm-le-ny aga in, lhaseh le jat khat she ga ahi. Chule hinna thingnaa chu namtin damna ahi.



11

Vaan-gam'a vah ding nisa le lha-thah angai poi. Vaan-gam chu Pathien loupina vah kidangtah chun achansuoh hiel ahi. Chua chun jan a-um tapoi.



12

Vaan-gam'a saaho zong achuombek e. Amaho chu vah-nguosa le kivop pi thei ahi. Ngei le kelnguoi in hamhing anekhawm tauve. Keipi hadtah ho'n bawngchal bang in pawl aneuve. PAKAY in "Ka muol-thieng hoa amaho'n kisuhliemna le kisuhsietna bawl lou ahivue" ati.



13

Eiho'n ivet uva ahile, Vaan-gam'a umlou ho imu diu ahi. Lunghan thucheng ho kija talou. Koimacha'n ama dingseh gel'a kinah le kisau bawl talou. Vaan-gam'a kotkhah ngai talou, ajeh chu gucha um talou.

Chua chu milepche, tuolthat, dawikungpu, migilou ho umlou ahi. Chua chu chawnsiet him-him a-um tapoi.



14



Pathien kawm Vaan-gam'a chu mit-lhitui aluong ta poi. Khatvei-vei, hiche leihinkhuo-ah hesuohna nasatah ho jeh in Pathien mite akap ui. Vaan-gam'ah, mitlhi-tui zouse Pathien in thieh-hul tai.

15

Vaan-gam'a thyna a-um tapoi. Pathien mite chu Pakay toh tuonsod-a umta ding. Chua chu lung-hesuohna, kaana nat-thuohgimna ho umta lou ding. Nat-le-sat, kikhenna, thy vuina ho umtalou. Vaan-gam'a umzouse tuonsod-a Pathien to kipah-a um ahitai.



16

Aphapen tah chu, Vaan-gam hi numei chapang le pasal chapang ho (pi-lhing ho zong) Jesu Khrista amaho Huhhingpu le Pakay ahi tia tahsan chule athupieh nit mi ho-a ding ahi. Vaan-gam'a Kelngouinou' Hinna Lekha-bu kiti khat a-um'e. Hichea chu miho min dimsed ahi. Chua kisun min ho koi koi ahi nahed em? Hichea min umho chu Jesu tahsan zouse ahivu. Chua chu namin um nam?



17

Vaan-gam thudawl Bible in aseï achaina thucheng ho chu kouna kidangtah thucheng hi ahi "Chule Lhagao le mou-nu in 'Hung'in!' ati. Chule ajapha chan in 'Hung'in!' tihen. Chule adangchah zouse hunghen. Chule hinna-tui ngaicha zouse'n manbei in dawn hen" ati.



18

Vaan-gam, Pathien cheenna Inn-nuom


Pathien thu Bible-a, kuon thusim,

akimu na hi

John Bung 14, 2 Corinthian Bung 5,
Thuphuon Bung 4, 21, 22

"Nathu-a sunglhah hin vah a pie."
Psalms/Labu 119:130

19



60



60

20

Hiche Bible thusim hin eisiempa-u Pathien
akidanje leh nang in ama naheddoh ding deina thu ahil in ahi.

Pathien in chawsiet ati, thilphalo eiho'n ibawl'u hi Ama'n ahe-e.
Chawsiet man talien chu thyna ahi, hizongle Pathien in nangma
na-ngailut behseh jeh in Achapa neisun, Jesu, chu nangma chawsiet
jeh-a thigpel'a thy ding le talien manding'a A'hinsawl ahi. Chuin Jesu
chu thyna-a kuon in ahingdoh in chule Vaan-gam inn juon in achie tai.
Nangma'n Jesu natahsan'a chule Ama hieng'a nachawnietna ho ngaidam
na-thuum'a ahile Ama'n na-ngaidam ding ahi! Ama hung'in tin nalung
sung'a cheengpai ding chule nangma tuonsod-gei-a Amato nahin ding
ahitai.

Nangma'n hiche hi thu-tahbeh ahi ti natahsanle, Pathien hieng'a hiti hin
tao in: Ka-ngai Jesu, nangma Pathien nahi ti katahsan'e, chule keima
chawsiet jeh-a thy ding in miheim in nahungpieng in, chule tu hin nangma
na-hing kid tai. Lungsiet tah in kalung sung'a hung cheeng in chule
kachawsietna ho ei-ngaidam in, chutile keima'n tua hi hinkhuothah kanei
ding, chule nikhat tiengle nangmato tuonsod-a ka-um ding ahi. Nangma
thu-a nung ding le nacha khat bang'a hing ding in eikithuopi in. Amen.

Bible ni-siehle sim in lang chule ni-sieh in Pathien
to kihou zing in. John 3:16